



Broj: A-226/26

Bihać, 09.03.2026. godine

Na osnovu člana 64. stav 1. tačka b), člana 70. i člana 89. Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javnu nabavku broj: A-226/26 od 06.03.2026. godine, glavna kantonalna tužiteljica d o n o s i:

ODLUKU

O izboru najpovoljnijeg ponuđača

Član 1.

Prihvata se preporuka Komisije za javnu nabavku izražena u Zapisniku o ocjeni ponuda broj: A-226/26 od 06.03.2026. godine i Okvirni sporazum za nabavku goriva za službena vozila Kantonalnog tužilaštva Unsko-sanskog kantona se dodjeljuje ponuđaču Čavkunović – BP d.o.o. Bihać, Banjalučka bb, 77000 Bihać, ID broj 4263660110009 kojeg zastupa direktor Nedžad Čavkunović za ponuđenu cijenu prema tenderskoj specifikaciji roba broj: 85/26 od 05.03.2026. godine u iznosu od 39.996,13 KM bez PDV-a.

Član 2.

Obavezuje se izabrani ponuđač iz člana 1. ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3, podtačka 3.1. tenderske dokumentacije.

Član 3.

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama i objavit će se na web stranici Kantonalnog tužilaštva Unsko-sanskog kantona.

Obrazloženje

Kantonalno tužilaštvo Unsko-sanskog kantona donijelo je Odluku o pokretanju postupka javne nabavke goriva za službena vozila Kantonalnog tužilaštva Unsko-sanskog kantona broj: A-226/26

od 17.02.2026. godine, kojom je pokrenut postupak javne nabavke goriva za službena vozila Kantonalnog tužilaštva Unsko-sanskog kantona procijenjene vrijednosti u iznosu d 40.000,00 KM bez PDV-a, putem konkurentskog zahtjeva za dostavljanje ponuda, sa namjerom zaključivanja Okvirnog sporazuma na 2(dvije) godine.

Obavještenje o nabavci broj: 1092-7-1-17-3-13/26 dostavljeno je na objavu dana 23.02.2026. godine. Radi provođenja postupka javne nabavke imenovana je Komisija rješenjem glavne kantonalne tužiteljice broj: A-226/26 od 27.02.2026. godine. Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabavku, a u skladu sa Zakonom o javnim nabavkama.

Krajnji rok za dostavljanje ponuda određen je na dan 06.03.2026. godine do 08:30 sati. Nakon isteka roka za dostavljanje ponuda evidentirano je da je u roku pristigla jedna ponuda i to Čavkunović-BP d.o.o. Bihać.

Komisija za javnu nabavku je blagovremeno i pravilno izvršila otvaranje ponude i ocjenu ponude, te utvrdila da je ponuda ponuđača Čavkunović-BP d.o.o. Bihać formalno uredna, odnosno da sadrži svu traženu dokumentaciju i ispunjava sve uslove tražene tenderskom dokumentacijom.

Za predmetnu nabavku je u skladu sa Poslovníkom o uslovima i načinu korištenja e-aukcije ("Službeni glasnik Bosne i Hercegovine" broj: 80/23) i tenderskom dokumentacijom predviđena e-aukcija.

Shodno odredbama člana 4. stav 2. navedenog Pravilnika propisano da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. Slijedom navedenog Komisija je dala preporuku da se okvirni sporazum dodijeli ponuđaču Čavkunović-BP d.o.o. Bihać obzirom da je jedini dostavio ponudu u iznosu od 39.996,13 KM bez PDV-a koju je Komisija ocijenila prihvatljivom.

U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Slijedom navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101. Zakona o javnim nabavkama.

GLAVNA KANTONALNA TUŽITELJICA

mr.sc. Merima Mešanović

Dostaviti:

1. Ponuđaču
2. IKT službeniku za objavu na web stranici Tužilaštva
3. a/a